

EXTRACTO da Orde do 3 de xuño de 2026 pola que se establecen as bases reguladoras das subvencións ás entidades locais da Comunidade Autónoma de Galicia para o apoio aos centros de información á muller (CIM), de forma individual e mediante o sistema de xestión compartida, e se convocan para o ano 2026 (código de procedemento SI427B).

BDNS (identif.): 000000.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións: <https://www.infosubvenciones.es/bdnstrans/GE/es/convocatoria/xxxx>

Primeiro. *Entidades beneficiarias*

Poderán ser entidades beneficiarias das subvencións previstas nesta orde os concellos, mediante solicitude individual ou mediante solicitude conxunta de agrupación ou asociación de concellos, as mancomunidades de concellos de Galicia e os consorcios locais de Galicia, constituídos exclusivamente por concellos, así como as entidades resultantes dunha fusión municipal, sempre que reúnan os demais requisitos e condicións establecidos nas bases reguladoras. Quedan excluídas do ámbito de aplicación desta convocatoria as deputacións provinciais.

Segundo. *Obxecto*

As axudas concédense en réxime de concorrencia competitiva e teñen por obxecto establecer as bases reguladoras e convocar no ano 2026 as subvencións ás entidades locais de Galicia, de forma individual e mediante o sistema de xestión compartida, para o apoio aos centros de información á muller (en diante, CIM) acreditados segundo o establecido no Decreto 130/2016, do 15 de setembro, polo que se establecen os requisitos e o procedemento para o recoñecemento e acreditación dos centros de información á muller de titularidade das entidades locais de Galicia, así como para a modificación e extinción do seu recoñecemento (código de procedemento SI427B).

Terceiro. *Bases reguladoras*

Orde do 3 de xuño de 2026 pola que se establecen as bases reguladoras das subvencións ás entidades locais da Comunidade Autónoma de Galicia para o apoio aos centros de información á muller (CIM), de forma individual e mediante o sistema de xestión compartida, e se convocan para o ano 2026 (código de procedemento SI427B).

Cuarto. *Importe*

1. Ás subvencións obxecto desta convocatoria destínase un crédito por un importe total de cinco millóns setenta e cinco mil cincocentos oito euros (5.075.508,00 €)

dos orzamentos xerais da Comunidade Autónoma de Galicia, distribuídos en dúas anualidades e que se imputarán ás aplicacións orzamentarias seguintes:

Aplicación	Código de proxecto	Importe 2026 (€)	Importe 2027 (€)	Total (€)
08.07.313B.460. 0	2015 00144	3.045.508,00	1.800.000,00	4.845.508,00
08.07.313D.460. 0		230.000,00	0,00	230.000,00
Total		3.275.508,00	1.800.000,00	5.075.508,00

2. A contía total máxima de axuda é de 52.000,00 euros, no caso de que se trate dunha solicitude individual, e de 120.000,00 euros, no caso de que se trate dunha solicitude para a xestión compartida ou dunha entidade resultante dunha fusión de concellos.

Quinto. Prazo de presentación de solicitudes

O prazo de presentación de solicitudes será dun mes contado a partir do día seguinte ao da publicación da resolución no *Diario Oficial de Galicia*. Entenderase como último día do prazo o correspondente ao mesmo ordinal do día da publicación. Se o último día de prazo é inhábil, entenderase prorrogado ao primeiro día hábil seguinte, e se no mes do vencemento non hai día equivalente ao inicial do cómputo, entenderase que o prazo expira o último do mes.

Santiago de Compostela, 3 de xuño de 2026

Fabiola García Martínez

Conselleira de Política Social e Igualdade